



Z A P I S N I K
12. sjednice Komisije za vanjsku trgovinu i carine
Predstavničkog doma Parlamentarne skupštine BiH,
održane 25. 10. 2007. godine

Sjednica je počela u 11 sati.

Sjednicom je predsjedavao prvi zamjenik predsjedavajuće Komisije Mehmed Suljkanović.

Sjednici su prisustvovali članovi Komisije: Slavko Jovičić, Šemsudin Mehmedović, Salko Sokolović, Hadži Jovan Mitrović, Ekrem Ajanović i Jerko Ivanković Lijanović.

Opravdano su odsustvovali Snježana Rajilić i Jozo Križanović.

Sjednici su, također, prisustvovali: Dušan Nešković, Hajrudin Podbičanin i Sabrija Šerifović, pomoćnici ministra vanjske trgovine i ekonomskih odnosa BiH, Rasim Šećerović i Seid Uzunović, šefovi odsjeka u Ministarstvu vanjske trgovine i ekonomskih odnosa BiH, Savo Marjanac, direktor Sektora privrede Vanjskotrgovinske komore BiH, Mihrudin Mujkić, stalni saradnik Sektora za promet i komunikacije Vanjskotrgovinske komore BiH, i Emira Češljarić, sekretar Komisije.

Na sjednici Komisije, sa šest glasova „za“ i jednim glasom „protiv“, usvojen je sljedeći

D N E V N I R E D

1. Usvajanje Zapisnika 11. sjednice Komisije;
2. Razmatranje Prijedloga zakona o izmjenama Zakona o carinskoj tarifi BiH radi dostavljanja mišljenja Predstavničkom domu, u skladu s članom 111. Poslovnika Predstavničkog doma, predlagač: Komisija za vanjsku trgovinu i carine;
3. Razmatranje Prijedloga zakona o izmjenama i dopunama Zakona o carinskoj politici BiH radi dostavljanja mišljenja Predstavničkom domu, u skladu s članom 111. Poslovnika, predlagač: Komisija za vanjsku trgovinu i carine;
4. Razmatranje Prijedloga zakona o vinu, rakiji i drugim proizvodima od grožđa i vina, u skladu s članom 111. Poslovnika, predlagač: Vijeće ministara BiH (amandmane na Zakon dostavio poslanik Slavko Jovičić);
5. Usvajanje zaključka o razmatranju Prijedloga zakona o izmjenama Zakona o carinskoj tarifi BiH, predlagač: Vijeće ministara BiH;
6. Razmatranje Informacije o robnoj razmjeni s posebnim osvrtom na robnu razmjenu s Republikom Hrvatskom i Republikom Srbijom, upućene od Ministarstva vanjske trgovine i ekonomskih odnosa BiH na osnovu zaključka Komisije sa 10. sjednice;
7. Tekuća pitanja.

Ad.1. Usvajanje Zapisnika 11. sjednice Komisije

Zapisnik 11. sjednice Komisije usvojen je jednoglasno, bez primjedbi.

Ad.2. Razmatranje Prijedloga zakona o izmjenama Zakona o carinskoj tarifi BiH radi dostavljanja mišljenja Predstavničkom domu, u skladu s članom 111. Poslovnika Predstavničkog doma, predlagač: Komisija za vanjsku trgovinu i carine

U raspravi su učestvovali: Šemsudin Mehmedović, Jerko Ivanković Lijanović, Ekrem Ajanović i Mehmed Suljkanović.

Šemsudin Mehmedović istakao je da treba podržati Prijedlog zakona te uputiti Predstavničkom domu pozitivan izvještaj. Konstatirao je da nema amandmana na Prijedlog zakona, ali da je potrebno odobrenje Upravnog odbora Uprave za indirektno oporezivanje BiH u skladu s odredbama Zakona o sistemu indirektnog oporezivanja u BiH.

Jerko Ivanković Lijanović naglasio je da dva prijedloga zakona o izmjenama carinske tarife BiH treba da se usaglase kako bi se dobio jedan tekst zakona. Tako bi ujedno prijedlog, odnosno sugestija sa 14. sjednice Predstavničkog doma bili ispoštovani.

Hajrudin Podbičanin naglasio je kako je Komisija do sada uvijek dobro sarađivala s Vijećem ministara BiH. S ovom konstatacijom nije se saglasio Mehmed Suljkanović koji smatra da je stav resornog ministarstva bio ignorantski, da Komisija treba okončati proceduru razmatranja zakona, te da je bilo nužno uspostaviti bolju koordinaciju između resornog ministarstva i Komisije.

Nakon rasprave, Komisija je jednoglasno prihvatila Prijedlog navedenog zakona čiji je predlagač te će, na osnovu odredbe člana 111. Poslovnika Doma, podnijeti Izvještaj i predložiti usvajanje Zakona.

Na prijedlog Ekrema Ajanovića da se imenuju članovi Komisije koji bi, u kontaktu s Vijećem ministara BiH, pokušali postići dogovor u vezi s dva navedena prijedloga zakona, Komisija je jednoglasno usvojila sljedeći

Z A K L J U Č A K

Radna grupa u sastavu: Snježana Rajilić, Mehmed Suljkanović, Jerko Ivanković Lijanović i Šemsudin Mehmedović, u saradnji s Ministarstvom vanjske trgovine i ekonomskih odnosa BiH, treba da pokuša usaglasiti amandmane na Prijedlog zakona o izmjeni carinske tarife BiH Vijeća ministara BiH i tako doći do kvalitetnijeg rješenja kako bi se u osnovnom zakonodavnom postupku - II faza - izbjeglo paralelno razmatranje dva prijedloga zakona o izmjeni carinske tarife BiH.

Ad.3. Razmatranje Prijedloga zakona o izmjenama i dopunama Zakona o carinskoj politici BiH radi dostavljanja mišljenja Predstavničkom domu, u skladu s članom 111. Poslovnika, predlagač: Komisija za vanjsku trgovinu i carine

Predsjedavajući je informirao prisutne da na predloženi tekst Prijedloga zakona nije bilo amandmana. Nakon provedene rasprave, Komisija je jednoglasno prihvatila Prijedlog zakona o izmjenama i dopunama Zakona o carinskoj politici BiH, čiji je predlagač, te će, na osnovu odredbe člana 111. Poslovnika Doma, podnijeti Izvještaj i predložiti usvajanje Zakona.

Ad. 4. Razmatranje Prijedloga zakona o vinu, rakiji i drugim proizvodima od grožđa i vina, u skladu s članom 111. Poslovnika, predlagač: Vijeće ministara BiH (amandmane na Zakon dostavio poslanik Slavko Jovičić)

Predstavnički dom je na 15. sjednici, održanoj 26. 9. 2007., usvojio Prijedlog zakona o vinu, rakiji i drugim proizvodima od grožđa i vina u prvom čitanju.

Amandmane na tekst Prijedloga zakona o vinu, rakiji i drugim proizvodima od grožđa i vina blagovremeno je dostavio poslanik Slavko Jovičić. Komisija je raspravljala o 27 amandmana, i to:

Amandman I.

„ U članu 8. stav (2) iza riječi „Ministarstvo“ dodaju se riječi: „ u saradnji s nadležnim organima entiteta i Brčko Distrikta BiH“.

Sa dva glasa „za“ četiri glasa „protiv“ i jednim „uzdržanim“ glasom Komisija **nije usvojila** Amandman.

Amandman II.

U članu 8. stav (3) se briše.

Sa dva glasa „za“ četiri glasa „protiv“ i jednim „uzdržanim“ glasom Komisija **nije usvojila** Amandman .

Amandman III.

U članu 11. stav (1)

Sa dva glasa „za“ četiri glasa „protiv“ i jednim „uzdržanim“ glasom Komisija **nije usvojila** Amandman .

Amandman IV.

U članu 11. stav (1) riječi: „obavlja institucija ovlaštena“ zamjenjuje se riječima: „obavljaju institucije ovlaštene“.

Sa dva glasa „za“ četiri glasa „protiv“ i jednim „uzdržanim“ glasom Komisija **nije usvojila** Amandman .

Amandman V.

U članu 11. stav (4) tačke: **b), c), d), e), f), g), h), i) i j)** se brišu .

Sa dva glasa „za“ četiri glasa „protiv“ i jednim „uzdržanim“ glasom Komisija **nije usvojila** Amandman .

Amandman VI.

U članu 13. stav (4) se briše.

Sa dva glasa „za“ četiri glasa „protiv“ i jednim „uzdržanim“ glasom Komisija **nije usvojila** Amandman .

Amandman VII.

U članu 14. stav (5) mijenja se i glasi:

“Registar proizvođača grožđa i vina za područje na kojem se obavlja proizvodnja grožđa i vina, vode nadležni organi entiteta i Brčko Distrikta BiH“.

Sa dva glasa „za“ četiri glasa „protiv“ i jednim „uzdržanim“ glasom Komisija **nije usvojila** Amandman .

Amandman VIII.

U članu 14. stav (6) riječi: „ovlaštena institucija“ zamjenjuju se riječju „ministarstvo“.

Sa šest glasova “za“ i jednim „uzdržanim“ glasom Komisija **je usvojila** Amandman.

Amandman IX.

U članu 15. stav (4) se briše.

Sa dva glasa „za“ četiri glasa „protiv“ i jednim „uzdržanim“ glasom Komisija **nije usvojila** Amandman .

Amandman X.

U članu 16. stav (1) riječ „zbornog“ **zamjenjuje se riječju „glavnog“**; riječi: „ovlaštena institucija“ **zamjenjuju se riječima: „nadležnog organa entiteta i Brčko Distrikta BiH“**; riječi : „ u skladu s članom 11. stav (6) **se brišu**; riječi: “pravi katastar“ **zamjenjuju se riječima: “prave katastre“**.

Sa dva glasa „za“ četiri glasa „protiv“ i jednim „uzdržanim“ glasom Komisija **nije usvojila** Amandman .

Amandman XI.

U članu 16. stav (3) riječi: „ovlaštena institucija“ zamjenjuje se riječima:

„nadležni organi entiteta i Brčko Distrikta BiH“.

Sa dva glasa „za“ četiri glasa „protiv“ i jednim „uzdržanim“ glasom Komisija **nije usvojila** Amandman .

Amandman XII.

U članu 16. stav (4) se briše.

Sa dva glasa „za“ četiri glasa „protiv“ i jednim „uzdržanim“ glasom Komisija nije usvojila Amandman .

Amandman XIII.

„Poglavlje IV. i V.“ se brišu.

Sa dva glasa „za“ četiri glasa „protiv“ i jednim „uzdržanim“ glasom Komisija **nije usvojila** Amandman .

Amandman XIV.

U članu 50. stav (1) riječi: „ovlaštena institucija“ zamjenjuje se riječima: „ovlaštene institucije“.

Sa šest glasova “za“ i jednim „uzdržanim“ glasom Komisija je usvojila Amandman.

Amandman XV.

U članu 67. stav (2) riječ „organizacija“ zamjenjuje se riječju „institucija“;

riječi:“geografskog porijekla“ zamjenjuju se riječima: „geografsko porijeklo“.

Sa šest glasova “za“ i jednim „uzdržanim“ glasom Komisija **je usvojila** Amandman.

Amandman XVI.

Člana 69. se briše.

Sa dva glasa „za“ četiri glasa „protiv“ i jednim „uzdržanim“ glasom Komisija **nije usvojila** Amandman .

Amandman XVII.

U članu 70. stav (1) tačka b) riječ „cijenama“ zamjenjuje se riječima:“naknadama troškova“

Komisija **je jednoglasno usvojila** Amandman.

Amandman XVIII.

U članu 70. stav (1) tačka h) riječ „označavanja“ zamjenjuje se riječju „razvrstavanja“.

Sa šest glasova “za“ i jednim „uzdržanim“ glasom Komisija **je usvojila** Amandman.

Amandman XIX.

U članu 71. stav (1) mijenja se i glasi: „Službene kontrole i inspekcijski nadzor provode se u skladu s važećim zakonskim propisima“.

Sa dva glasa „za“ četiri glasa „protiv“ i jednim „uzdržanim“ glasom Komisija nije usvojila Amandman.

Amandman XX.

U članu 71. stav (2) ispred riječi „nadzor“ dodaje se riječ „inspekcijski“.

Sa šest glasova “za“ i jednim „uzdržanim“ glasom Komisija **je usvojila** Amandman.

Amandman XXI.

Član 74. se briše.

Sa dva glasa „za“ četiri glasa „protiv“ i jednim „uzdržanim“ glasom Komisija **nije usvojila** Amandman.

Amandman XXII.

„Poglavlje XI.“ se briše.

Sa dva glasa „za“ četiri glasa „protiv“ i jednim „uzdržanim“ glasom Komisija **nije usvojila** Amandman.

Amandman XXIII.

Član 92. se briše.

Sa šest glasova “za“ i jednim „uzdržanim“ glasom Komisija **je usvojila** Amandman.

Amandman XXIV.

U članu 93. stav (1) tačke: a), b), c), d), f), g), h), j), k), l), m), o), i q) se brišu.

Sa šest glasova „za“ i jednim „uzdržanim“ glasom Komisija **je usvojila** Amandman.

Amandman XXV.

U članu 93. stav (2) iza riječi „ministarstvo“ dodaju se riječi: „u saradnji s nadležnim organima entiteta i Brčko Distrikta BiH.“

Sa dva glasa „za“ četiri glasa „protiv“ i jednim „uzdržanim“ glasom Komisija **nije usvojila** Amandman.

Amandman XXVI.

U članu 94. stav (2) riječ „ministarstvo“ zamjenjuje se riječima: „nadležni organi entiteta i Brčko Distrikta BiH“.

Sa dva glasa „za“ četiri glasa „protiv“ i jednim „uzdržanim“ glasom Komisija **nije usvojila** Amandman.

Amandman XXVII

U članu 95. stav (2) riječ „ministarstvo“ zamjenjuje se riječima: „nadležni organi entiteta i Brčko Distrikta BiH“

Sa dva glasa „za“, četiri glasa „protiv“ i jednim „uzdržanim“ glasom, Komisija **nije usvojila** Amandman.

Komisija je konstatala da se u izradi amandmana nisu primjenjivala Jedinostvena pravila za izradu pravnih propisa u institucijama Bosne i Hercegovine, tj. odredbe člana 47. stav (3), tako što bi jednim amandmanom bile obuhvaćene izmjene i dopune koje se odnose na jedan član, te bi umjesto 27 bilo ukupno 18 amandmana.

Na osnovu člana 111. stav (3) Poslovnika Predstavničkog doma, usvojeni amandmani: **VIII., XIV., XV., XVII., XVIII., XX., XXIII. i amandman XXIV. postaju sastavni dio Prijedloga zakona.**

Većinom glasova, Komisija je prihvatila Prijedlog zakona sa usvojenim amandmanima, te će na osnovu odredbe člana 111. Poslovnika Doma podnijeti Izvještaj i predložiti usvajanje Zakona o vinu, rakiji i drugim proizvodima od grožđa i vina.

Ad.5. Usvajanje zaključka o razmatranju Prijedloga zakona o izmjenama Zakona o carinskoj tarifi BiH, predlagač: Vijeće ministara BiH

U raspravi su učestvovali: Šemsudin Mehmedović, Jerko Ivanković Lijanović, Ekrem Ajanović i Mehmed Suljkanović.

Imajući u vidu da je na Prijedlog zakona pet poslanika uložilo amandmane, koji su obimni, a da u dnevni red sjednice nije uvršteno razmatranje Prijedloga zakona, a nije prisutan ni predlagač Zakona, na sugestiju sekretara Komisije, prihvaćeno je da se Zakon s amandmanima razmatra na narednoj sjednici Komisije.

Ekrem Ajanović smatra da je nužno usaglasiti ovaj prijedlog zakona s Prijedlogom zakona Komisije za vanjsku trgovinu i carine. Napomenuo je da je nemoguće da Dom usvoji izmjene dva, sadržinski, paralelna zakona. Osim toga, jedan od prijedloga na sjednici Predstavničkog doma bio je da se ova dva prijedloga zakona usaglase, kako bi stav Doma bio ispoštovan.

Nakon rasprave o pitanju postojanja dva prijedloga zakona o izmjenama Zakona o carinskoj tarifi BiH, jednoglasno je **usvojen zaključak** da se amandmani na Prijedlog zakona o izmjenama Zakona o carinskoj tarifi BiH, čiji je predlagač Vijeće ministara BiH, koje su uložili poslanici, dostave Upravnom odboru Uprave za indirektno oporezivanje BiH radi davanja odobrenja za izmjene Zakona.

Ad.6. Razmatranje Informacije o robnoj razmjeni s posebnim osvrtom na robnu razmjenu s Republikom Hrvatskom i Republikom Srbijom, upućene od Ministarstva vanjske trgovine i ekonomskih odnosa BiH na osnovu zaključka Komisije sa 10. sjednice

Uvodnu riječ dao je Sabrija Šerifović i rekao da je MVTEO pripremio Informaciju za devet mjeseci 2007. koju će, nakon razmatranja na sjednici Vijeća ministara BiH, dostaviti Komisiji.

Iznio je da su preduzete mjere u oblasti poljoprivrede gdje je uključen Ured za veterinarstvo BiH i instituti za standarde ukazavši na odnos uvoza i izvoza 2005./2006.

U raspravi su učestvovali: Mehmed Suljkanović, Šemsudin Mehmedović, Jerko Ivanković Lijanović i Slavko Jovičić.

Obrađivaču Informacije predloženo je da preciznije odredi naše stanje, te rečeno da nema subjektivan pristup u procjeni da li je kod primjene mjera došlo do smanjenja vanjskotrgovinskog deficita i da li postoji trend njegovog smanjenja.

Ministarstvo treba pokušati pripremiti mjere za smanjenje deficita, a ne govoriti Komisiji šta treba uraditi a za što nije nadležna. Zašto se ne dolazi s prijedlogom mjera koji su rezultati analiza i efekti primjene. Ako je uvoz smanjen šta se očekuje dijagonalnom kumulacijom porijekla robe da se primjenom Sporazuma CEFTA-e poveća uvoz u BiH. Treba dati prijedlog mjera s ciljem podsticaja i zaštite domaće proizvodnje. MVTOE treba članove Komisije uvažavati kao partnere uz čije posredovanje se mogu predlagati zakoni u funkciji poboljšanja.

Ad.7.

Tekuća pitanja

Sekretar Komisije upoznala je prisutne da je u međuvremenu:

* Sektor za promet i komunikacije VTKBiH, na osnovu zaključka Odbora udruženja međunarodnih cestovnih prijevoznika tereta, odlučio je preduzeti određene aktivnosti od 1.1 2008. radi neukidanja carinske stope na uvoz tegljača i priključnih vozila;

* UOUIOBiH uputio je zahtjev za autentično tumačenje odredbi Zakona o carinskoj politici BiH (čl. 176. stav (5) i čl. 13. st (1) i (2) tač. a) i b) i čl. 29 st. (1) i (4) priloga zakona).

* Udruženje proizvođača i prerađivača mesa u BiH uputilo je ponovo 12 urgencija na koje MVTEO do sada nije dostavilo odgovore.

Mehmed Suljkanović istakao je da je na jednoj od prethodnih sjednica Predstavničkog doma postavio i poslaničko pitanje o obnovi kvota za uvoz goveđeg mesa jer nema otkupa od primarnih proizvođača što je udar na primarnu proizvodnju. Komisija je ponovo urgirala i poslala dopis Ministarstvu, 4.9. 2007., na zahtjev Udruženja za obnovu kvota za uvoz goveđeg mesa.

Sjednica je završena u 12,30 sati.

Sekretar Komisija
Emira Češljarić

Prvi zamjenik predsjedavajuće Komisije
Mehmed Suljkanović